

BanZembo 68:1(1/2) Nzambe, amimonisi! banguna na ye bapanzani; bato oyo bayinaka ye, bazali kokima ye.

BanZembo 5:9,10(10,11) Bango balobaka tango nyonso lokuta; bazalaka kaka na posa ya kosala mabe. Bazali na maloba ya kitoko na monoko; kasi balukaka tango nyonso kotangisa makila. 10(11) o Mzambe, pesa bango etumbu; mabe na bango kweisa bango moko. Bengana bango po na mabe nyonso oyo basali; pamba té bazali kotombokela yo.

BanZembo 7:1,2(1-3) (1/2) Nkolo, Mzambe na ngai, nazali koluka kobombana epai na yo; longola ngai na maboko ya bato oyo banyokolaka ngai. 2(3) Bazali lokola batambo, balingi kopasola ngai; pe nani akoya kobikisa ngai?

BanZembo 11:6 Akaweiselaka bato mabe bapasi lokola makala ya móto; yango nde etumbu oyo ezali kozela bango.

BanZembo 18:1/2 Nalingaka yo, Nkolo; yo Ozali makasi na ngai.

BanZembo 18:14(15) Abwakaki ba-fleshe na ye bipai nyonso; apanzaki bámoto ya kake bipai na bapai.

BanZembo 18:17(18) Alongoli ngai na maboko ya banguna na ngai, ya bato oyo balingaki kolonga ngai.

BanZembo 18:39(40) Opesaka ngai makasi ya kobunda; pe okweisaka bato oyo bayeelaka ngai etumba.

BanZembo 18:45(46) na kolenga nyonso bakómi kobima na bisika babombanaki.

BanZembo 18:48(49) pe abikisi ngai na tango ya bitumba. Nkolo, olongoli ngai na maboko ya bato ya mobulu; olongisi ngai tango banguna bayaki kobundisa ngai.

BanZembo 23:3 azongiselaka ngai makasi. Atambwisaka ngai na banzela ya malamu, po ye azali Nzambe na ngai.

BanZembo 27:11 Nkolo, lakisa ngai nzela na yo; mema ngai na nzela ya malamu. Pamba té banguna bazali kotala ngai;

BanZembo 31:15(16) Bomoi na ngai mobimba ezali na maboko na yo; kotika banguna na ngai bányokola ngai té.

BanZembo 34:4(5) Nabondelaki Nkolo, pe ye azongiseli ngai eyano; alongoli ngai kobanga nyonso.

BanZembo 34:7(8) Anjelu ya Nkolo azalaka penepene ya bato oyo batosaka ye; pe alongolaka bango na makama.

BanZembo 34:13(14) bázala na maloba mabe té pe bótika lokuta.

BanZembo 34:17-19(18-20) Nkolo ayokaka baoyo babelelaka ye; alongolaka bango bapasi nyonso. 18(19) Nkolo azalaka penepene ya bato oyo

balembá; pe abikisaka baoyo bazali lisusu na elikya té. 19(20) Bato ya malamu bamonaka pasi mingi; kasi mbala nyonso Nkolo abikisaka bango.
BanZembo 35:1-8 O Nkolo, kweisa bato oyo bazali kofunda ngai; bundisa baoyo bazali kobundisa ngai. 2 Kamata bobundeli na yo nyonso; pe yaka kokotela ngai. 3 Tombola likonga po na kobundisa bango; pe loba na ngai: "Ngai moto nakobikisa yo." 4 Baoyo bazali koluka koboma ngai, báyoka soni pe básambwa. Baoyo bazali kokana kosala ngai mabe, bázonga sima pe básuka. 5 Tango Anjelu ya Nkolo akobengana bango, bázala lokola matiti oyo ekendaka na mopepe. 6 Tango Anjelu ya Nkolo akobengana bango, nzela na bango ékoma molili pe moselu. 7 Batieli ngai motambo, ata bazwi ngai na likambo té; batimoli libulu po nákweya. 8 Nkolo, sala 'tè mabe ézwa bango na mbalakaka, bákangama na motambo oyo bango moko batandi; bákweya pe bákufa libela.

BanZembo 35:10 Ne motema moko nakoloba: "Nkolo, nani akokani na yo? olóngolaka moto ya mawa na maboko ya bato ya makasi, pe moto oyoakelelá na maboko ya baoyo banyokolaka ye."

BanZembo 36:7-9(9-10) O Nzambe, bolamu na yo ezali na tina penza; bato balukaka kobombana na se ya mapapu na yo. 8(9) Otondisaka bango na bilei ya Ndako na yo; osopelaka bango bolamu na yo lokola mai ya komela. 9(10) Bomoi ebimaka epai na yo lokola mai na se ya mabelé; kongenga na yo moto engengisaka biso.

BanZembo 37:5 Pesa makambo na yo nyonso na Nkolo; tia motema na ye, bongo akosalisa yo.

BanZembo 37:23,24 Nkolo alakisaka bato na ye nzela; abatelaka baoyo basepelisaka ye. 24 Ata babeti libaku, bakweyaka té; pamba té Nkolo asimbaka bango na liboko.

BanZembo 37:40 abatelaka bango na tango ya pasi. Alongolaka bango na maboko ya bato ya mabe; po bango balukaka kobombana epai na ye.

BanZembo 39:1/2 Namilobaki: nakomibatela po nábimisa maloba mabe té; soki nakutani na moto mabe, nakokanga kaka monoko.

BanZembo 41:4(5) Ngai nazalaki koloba: "O Nkolo, yokela ngai mawa; bisika ngai na maladi, ata nasali mabe epai na yo."

BanZembo 42:11(12) Po na nini náyoka mawa pe námilela? Ebongi nátai motema kaka na Nzambe. Ya solo, nakokumisa ye lisusu; ye Nzambe na ngai pe Mobikisi na ngai. (Banzembo 42:5,6(6,7); 43:5)

BanZembo 43:1 Nzambe, kata likambo na ngai, longisa ngai; kweisa bato oyo bazali konyokola ngai, bazangá mawa. Longola ngai na maboko ya bato ya lokuta pe ya mabe;

BanZembo 44:4(5) Yo, Nzambe, ozali Mokonzi na biso; ezali yo moto ozalaki kolongisa Israel.

BanZembo 51:4(6) Nasali masumu epai na yo, kaka epai na yo moko; namemi

ngambo na miso na yo. Makambo yo olobaka, elakisaka 'tè ozali bosembo; tango nyonso okataka makambo na ndenge ekoki.

BanZembo 52:5(7) Nzambe ye moko akoboma yo libela; akobengana yo pe akolongola yo na mokili.

BanZembo 54:7(9) Pamba té olongoli ngai na bapasi nyonso; nazali komona ndenge banguna na ngai bakwei.

Banzembo 55:18(19) Abateli mgai, alongoli ngai na maboko ya banguna, atako bango bazalaki ebele.

BanZembo 59:1,2(1-3) (1/2) Nzambe na ngai, longola ngai na maboko ya banguna; batela ngai po bayei kobundisa ngai. 2(3) Longola ngai na maboko ya bato ya mabe; bikisa ngai po balingi koboma ngai.

BanZembo 60:12(14) Tokolonga na lisalili ya Nzambe! ye moto akonyata banguna na biso.

BanZembo 63:11(12) Boye mokonzi ya mboka na biso akosepela na yo; esango na moto oyo akataka seleka bobele na kombo na yo, pamba té okokangisa bato ya lokuta minoko.

BanZembo 66:3 Bóloba na Nzambe: "Misala na yo ezali ya kokamwa! banguna na yo bakómi kobanga nguya na yo ya somo.

BanZembo 68:6(7) Ye moto apesaka libota na bato batikalá bango moko, alongolaka bato na boumbu pe apesaka bango bolamu; kasi afandisaka banguna na ye na mboka ezangá mai.

BanZembo 68:35(36) Nzambe, obangisaka uta na esika ofandaka; yo Nzambe ya Israel moto opesaka bato na yo makasi. Mersi na yo Nzambe!

BanZembo 70:1(1/2) O Nzambe, soki olingi, bikisa ngai; Nkolo, yaka noki kosalisa ngai.

BanZembo 71:4 Nzambe na ngai, longola ngaina maboko ya bato mabe, ya baoyo bakosaka pe banyokolaka bato.

BanZembo 71:13 Baoyo bazali koluka ngai náyoka pasi, bákweya penbásila libela! Baoyo bazali koluka motu na ngai, bákufa soni pe básambwa!

BanZembo 72:12 Mokonzi na biso akobikisa bato ya mawa oyo bazali kobelela ye; pe bato bakelelá oyobazangi moto ya kosalisa bango.

BanZembo 76:12 Nkolo asilisaka lolendo ya bato minene; alengisaka bakonzi ya mokili.

BanZembo 79:9 Nzambe, Mobikisi na biso, saliso biso. Longola biso na boumbu pe limbisa mabe na biso; po tókoka kokumisa yo, Nzambe na biso.

BanZembo 86:17 Nkolo, lakisa ngai bolingo na yo, banguna na ngai báyoka soni, bámona 'tè obikisi ngai pe okitisi ngai motema.

BanZembo 91:14,15 Nkolo alobi: "Nakobikisa moto oyo alandaka ngai; nakobatela moto oyo andimaka ngai. 15 Soki abeleti ngai, nakondimela ye; nakozala na ye na tango ya mawa. Nakokotela ye, nakokmisa ye moto yya lokumu;

**BanZembo 92:11(12) Nakómi komona ndenge banguna na ngai bazali
kokweya; nakómi koyoka ndenge bato mabe bazali kolela.**

**BanZembo 103:10 Apesaka biso etumbu té ndenge ekoki na masumu na biso;
pe azongiselaka biso mabe té ndenge ekoki na mabe na biso.**

**BanZembo 104:9 Otiaki ndelo oyo yango ekokaka koleka té, po éya lisusu
kodindisa mokili té.**

**BanZembo 107:6 Bongo na pasi na bongo babelelaki Nkolo, pe ye alongoli
bango na makama.**

**BanZembo 118:10,12 Bato ya bikolo nyonso bayaki kobundisa biso; kasi na
kombo ya Nkolo, topanzi bango. 12 Batiaki biso na kati lokola liboke ya
banzoi, kasi basili mbala moko lokola móto ya makasa; na kombo ya
Nkolo, topanzi bango.**

**BanZembo 121:7,8 Nkolo akobatela yo na mabe ntonso; akobatela bomoi na
yo. 8 Akobatela yo bipai nyonso okoende, banda sik'oyo tii seko.**

**BanZembo 138:3 BanZembo 138:3 Mokolo nabelelakiyo ondimelaki ngai;
ozongiselaki ngai makasi.**

**BanZembo 140:1(1/2) Nkolo, longola ngai na maboko ya bato mabe; batela
ngai, bato ya mobulu bálonga ngai té.**

**BanZembo 140:4,5(5,6) Nkolo, longola ngai na maboko na bango, batela ngai,
bato ya mobulu bálonga ngai té. Tango nyonso bakanaka kokweisa ngai;
5(6) bato ya lolendo batieli ngai mitambo. Batandi basinga pe ininyama;
balukaka kokanga ngai na nzela.**

**BanZembo 142:6(7) Tai matoi na kolela na ngai; pamba té makasi na ngai
nyonso wsili. Longola ngai na maboko ya banguna na ngai, po bango baleki
ngai na makasi.**

**BanZembo 143:9 Nkolo, nalukaka kobombana epai na yo; longola ngai na
maboko ya banguna na ngai.**

**BanZembo 147:14 Atiaka kimia na mboka na yo mobimba; atondisaka yo na
biloko ya kitoko.**

**BanZembo 149:6-9 Bákumisa Nzammbe na mingongo makasi; pe básimba
bambeli ye mino mibale na maboko. 7 Bápesa bikolo ya bapaya etumbu;
bázongisela bango mabe oyo basalaki. 8 Bákanga bakonzi na bango
minyololo; bátia bato minene na bango basinga ya bibende. 9 Bákatela
bango etumbu ndenge ekómamá; boye bato na ye nyonso bakozwa
lokumu. Aleluuya! bókumisa Nkolo!**